



## Universitätsbibliothek Paderborn

**Floremundi Raemundi V. Cl. Olim Consiliarii Regis  
Galliarvm Ex Calviniano Catholici Synopsis Omnia hujus  
temporis Controversiarum tam inter Lutheranos,  
Calvinistas quam alios plurimos. Sive Historia ...**

**Raemond, Florimond de  
Coloniae Agrippinae, 1655**

caput septimum. Edvardus Seimerus Protector à Dudlaeo circumventus supplicio afficitur: Eduardus Rexè vita decedit, condito testamento, quo Ioanna Regina declaratur: cui ex hoc fastigio dejectae, ...

**urn:nbn:de:hbz:466:1-10880**

Hos quum frigidiuscule quam ceteros in traducendis ad errores, aliis agere animadvertisset regni Protector, omnibus, etiam qui per etatem minus erant idonei, vxoris ducenda imposuit necessitatem. In his fuerunt Episcopus Eboracensis, Cestriensis, Monæ insulæ, & Sodorensis. Idem sequuntur Ecclesiæ Decani, & Canonici non paucis. Alii quidam Episcopi, masculè sese huic impictati opponentes, ut Vintoniensis, & Guthbertus Dunelmensis de gradu dejecti, & in custodias dati sunt. Quos sequuntur sunt postea Londinensis, Cicerensis, & Vigorniensis Episcopi, Deo illorum ignaviam præcedentem puniente. Res tamen vel sic erat mitigatione digna, videre magnos illos viros Episcopatibus suis dejectos, & cathedras illorum hæreticos occupantes. Qua de re Ronsardus in hunc modum, Reginam Matrem alloquens, conqueritur:

Vah quam sepe bilis mibi servet cruda, videnti  
Mangones, mimos, balatrones, arte carentes.  
Et virtute omni, sacris è censibus udum.  
Ventre implere mero assiduo, & meliore palato  
Dignis deliciis! Tantos tu cernis abusus.  
O Deus, & meritos disperdere fulmine cessas?

Meo iudicio, non quidem prorsus toto cælo errant, qui hæreses ortum & progressum Ecclesiæticorum hominum ignorantia imputandum censem: qui dum, veterno quodam detenti, non nisi ventris curam gerunt, circumventi sunt ab illis, qui vividiore quodâ ingenuo, & majora sapere volente instruti, in Religionis negocio tantas turbas movendo, ad respondendum sibi imparatos aggressi. Ad quam rem haud ineptè accommodari potest illud Stoici cuiusdam Philosophema, tum defecisse Progeniem bonorum, quum Doctorum orta est familia: propterea quod virtus sua natura simplex & omnibus exposita, mutata sit in spinosam quandam & subtilem scientiam, in qua si dicerunt mortales magis disputare, quam ad primitivæ fidei præscriptum vitam instituere. Veruntamè non soli ignorantia tantum nefas est attribuendum quantum in Anglia est commissum. In Anglia enim omnia erant plena hominum doctorum & vigilantium: Rex ad extirpandum monstrum illud, quod omnia vastabat, omnem operam interponebat: Academiae erant bene constituta: Cardinalis Polus vivebat: Morus Cancellarius diligenter pro Religioni excubabat: Episcopi quorum haftenus

mentionem feci, omnis doctrina laude excellebant quid igitur causa dicemus? Culpa etiam tribuenda est ciuidam mollitiei animorum, cedentium libidinosi Principis voluntati, primò deinde & Protectoris Zwingiani tyrannidi. Sed verbo absolvamus, Iustissime puniri eos. Deus pariter, ob causas sibi non ignoratas eti nos lateant.

EDWARDVS SEIMERVS PROTECTOR, à Dudleo circumventus, supplicio afficitur: Eduardus Rex è vita decedit, condito testamento, quo Ioanna Regina declaratur: cum in sepius ex hoc fastigio dejecta, Maria succedit.

## CAPUT SEPTIMUM.

## ARGUMENTUM.

- I. Eduardus Seimerus prorex Thomam fratrem, seminarum ambitione impulsus, supplicio affici curat.
- II. Dudleus Comes Varvicensis Catholicis contra prorogem suam rem agens, conjungit, sed post eius obitum ipsos deserit. Mirabiles & absurdissime temporum illorum hereses.
- III. Eduardus Seimerus prorex, Dudleo accusante, ad supplicium raptus.
- IV. Mors Regis Eduardi, & testamentum.
- V. Ioanna filia Duci Suffolcia, regina proclamat.
- VI. Ex altera parte Maria Catharina filia reginatur, & Londinensem urbem ingreditur.

**E**cce ad quem gradum perducta sit hæresis, Edoardo rerum portiente! Vide nunc etiam quo evalerint coæstia eorum, qui Regno Anglo primum, deinde sibi ipfis ruinam attulerunt! Polyphus piscis, qui hamum non fugit, sed querit, propriis dentibus carnem suam absomit, & brachiarodit. Hunc imitati in, de quibus loquimur, Angliae proceres, qui mortis æternæ hamum degliverant nec tam facile, ac polypus, ab eo sese expediter poterat, quum cætera omnis sibi subjecissent, nec haberent quod amplius morderent, converso in seipso furore, cœperunt inter se bello committi. Vidi-

Vidimus hactenus partem Tragediarum, Catholicon expensis exhibitarum: videamus nunc quoque, quomodo mutatis personis suas haeretici egerint. Horret animus, tantum cædium describere: attamen inchoata scemel Anglicani Schismatis historia, sanguine imbuendus fuit calamus, innoxius ad describendum crudelitates istas extremas, & pœnae fidem omnem excedentes, nisi Anglicano stylo descriptæ extarent. Et leviora quidem leviter duntaxat perstringam, nec quidquam dicam nisi quod ad rem facit. Erat Edoardo Seimero Somersetensi Duci, & Regis Protectori, germanus frater Thomas Seimerus, mari & Clasti regiae praefectus. Is Catharinam Parram Henrici Regis ultimam uxorem, post Henrici mortem duxerat. Hæc Catharina, quæ se meminisset primam fuisse in tota Anglia, indignata est dignitatem suam minui, præcedendi honore in Protectoris uxori translato. Ex adverso Protectoris uxor, mariti locum tenere, nec ulli volebat concedere. Hæc contentio non quievit in feminis, verum & ad viros transivit, qui una cum uxoribus etiam earum passiones domum duxerant. Ambito enim, que, eorum que sunt à tergo negligens, tantum ea que à fronte sunt spectat, inter hosce fratres, velut furore percitos, indignissimas prodiciones Deo ulciscente excitavit Protector, licet Regem regeret, tamen ab uxore suaitate regebatur, ejusque libidini obsecundabat, ut fratrem suum ē medio tollendum unā cum eo statueret. Parres illas hinc inde pro virili animabat Comes Varvicensis, sperans utroque Seimero everso se posse eminere. Edoardus Seimerus, ut vindictam aliquo colore tegeret, decrevit perduellionis crimen fratri intentare. Itaque Hugonem Latimerum Ministrum Anglicanum subornavit, qui Thomam Seimerum pro concione traduceret, accusaretque, ut qui in Majestatem Regiam nefcio quid molitus esset. Quo facto, Protector sumulans se causam Regis agere, revesa autem vindictam suam sub prætextu fidelicatis persecuens, conceptam animo proditionem exsequitur, ac Thomam fratrem suppicio affici juber. Fuit hoc an. 1549. 30. Martii Dū hæ turbæ moventur, Catholici armæ pro fide sumunt, Cornubienenses primum ac Devonienses: & paulò post alii in Norfolciensi, Suffolciensi, Eboracensi & Somersettana provinciis: quibus in locis plebs adversus magnates, bonorum suorum injustos possessores insurgens in ipsorum domos & palatia imperium fecit, & obvia diripuit.

II. Et hactenus quidem Protectori satis ad voluntum res successerant. Sed ut mutabiles sunt res humanæ, nec usquam stabilis felicitas, facile eversa est ejus magnitudo. Nam quum Galli, tumultibus hisce ad suum commodum utentes, circa Bononiensem oppidum, quod adhuc Angli tenebant, eos viscerent: Varvicensis Comes, Protectoris inimicus, perfidia eum accusat. Edoardus unā cum Rege ad arcam Vindesoriam præsidii caussa confudit. Sed quum videret, se ab omnibus destitui, & illos etiam, quorum ipse promotor fuerat, pedem retroferre, se dedidit, & deposita Protectoris dignitate, traditus est in custodiam per Joannem Dudlaem Varvicensem Comitem XV. Octob. M.D.XLIX. ex qua post quatuor mensēs eductus fuit. Hic Dudlaus, ut viros principes in suas partes contra Protectorem protraheret, spem fecit Catholicis quibusdam in auctoritate constitutis, si fidelem ei operam in deturbando Seimero navarent se curaturum, ut fidei Catholicæ splendor in integrum restitueretur. Sed consequitus quod volebat, fidem datam postea fecellit. Interea haeresi, quotidie nova parientem monstrata, non Catholicoru modo, sed ipsorum quoq; haereticorum armis impugnabant quippe Zwinglianam novi suppulentes errores infestabant. Inter ceteras fetas, Arriana cœpit vires resumere, Georgio quodam Paresio eam tuente: quem Zwingiani contra suum dogma, quo alias afferere solent, non esse cuiusquam conscientiæ vim adhibendam publice combusserunt. Valentianæ etiam haereseos novus frutex exstirrit in Cantiana provincia: quadam Lutherana muliere, Joanna Buchera, negante, Christum ex Maria virgine carnem sumpsisse, quem dicebat per illam non nisi velut per canalem transisse. Hæc combusta est Londini, quarto Idus Maias. His diffensionibus, aliisque inter haereticos oborientibus, circa conjugia presbyterorum, quorum etiam liberi tandem habiti sunt legitimi, excitati Catholicæ, animos sumpserunt, & Zwinglianis disputationes de fide palam cœperunt deferre. In primis Richardus Smithæus, vir doctissimus & Theologiae Doctor, qui in Oxoniensi Academia cathedram tenerat illum Pseudo Martyrem Petrum, de quo sepe alias dictum est, jam ibidem prælegentem, qui maxima florebat per omnem Angliam doctrinæ opinione, provocavit. Martyr viribus diffusus, noluit cum eo in arenam descendere. Postea quum disputationis moderato-

Q. 3

rom

rem commodum, hoc est, Zwinglianum postulasset, nactusque esset Richardum Coxum, hominem Zwingianæ factionis, qui postea factus est Eicensis Episcopus: disputatum est de Eucharistia per tri- diuum continuum. Sed quum videret Coxus, ex parte Martyris non bene rem succedere, disputationem abruptit, prætendens, se à Rege revocari. Nimurum hæretici non nisi in fuga victoriam collocant, nec fuga quidquam est illis in malitia sua in honorificentius: quam deinde palliant coloribus quibusdam, quamvis nihilo, quam res ipsa est, honestioribus. Nunquam defuerunt hominibus malæ fidei prætextus. Jam passim disputabatur in Anglia. Fecnamus Westmonasterii Abbas, Hoperum Superintendantem Glocestrensem hæreticum, aduersarium habebat. Henricus Jolissas Catholicus cum Harlæo Episcopo Herefordensi commissus erat. Contra hos & Petri Martyris quandam libellum, quo is Eucharistiam impugnaverat, Vintoniensis Episcopus in carcere librum composuit: & ejusdem argumenti alterum Langdaldus contra Ridleum emisit. Nec deerant illis temporibus eximi quidam concionatores, inter quos Crispinus, Normannus & Henricus Collus erant formidabiles. Supererant etiam non pauci Episcopi Episcopatus suis ob Catholicæ Religio- nis defensionem dejecti Edmundus Londonensis, Cardinerus Vintoniensis, Guthbertus Tonstal- lis Dunelmensis, Nicolaus Hethus Vigorniensis. Multi quoque ex Catholicis Lovanii exulabant, apud Antonium Bonivisum Lucensem. Alii Romæ, inter quos fuit Reginaldus Polus Cardinalis, qui Paulo III. mortuo Pontifex renunciatus fuisset, nisi sacram Cardinalium Collegium censuisset, fore, ut ad illam dignitatem electus, non posset ipse patriæ suæ salutem ore ac manibus procurare. Elec- tus est ergo Joannes Maria Cardinalis Montanus, & Julius Tertius appellatus, anno M.D.LIX. Præter Polum exulabant Roma Thomas Gold- ellus Assaphensis Episcopus, Mauritus Clenocus Bangorensis, & Patulus Vigorniensis, digni viri sub quorum præsidio Anglia colligeretur uti sub gallinae alis; sed fuit illud seculum vehementer infelix. Vix angulus erat in orbe terrarum, in quo nō mon- strum aliquod infernale existeter. Tholosæ (quæ Galliæ est Universitas) exstiterunt, qui Joannis Baptista habere se spiritum jactaret; alter Lutetia, qui Sancti Patri Genio se foveri affirmaret; tertius Basileæ, qui se Mosis Angelum possidere contenderet. Lutheri coquus culinae sumo ebris Justum se Jo-

nam prædicabat. Pataviae Rodulphus Moshan Lu- theranismi & Papatus mediatorem se à Deo mil- sum asserebat. In Hollandia denique David Geor- gius Sartor (ut historia testantur) palam profite- batur se verum esse Messianum, Regem Regum, ac Dei nepotem ita puteus abyssi fumabat. Pro! Un- quamne proditum est, tam stultis persuasionibus fascinatos fuisse hominum animos? Quid enim in infimis inferni penetralibus potuit esse recondi- tum, quod non illo tempore in lucem protrusum fuerit? De novo in Anglia Arriano, & Joanna Bu- chera supra diximus. horum socius fuit Milo Co- vardalus, diu in Germania versatus. Is quum in Oxoniensi Academia, quæ arx erat Catholicorum, concionaretur, primum rejecit veram fidem Catholicam deinde in Lutheri, Zwingii, & Cal- vini Religiones, tanquam erroneas, invectus, di- xit, se inter has omnes veram viam per totos jam quatuordecim annos indagasse, & cognitam tandem in lucem prolataram esse. Nescio quid aptius in hasce res dicam, quam iterum fumum abyssi a- pertæ per Lutherum cui adjunctus fuit tunc quo- que Novus cruciatus, nominatus *Sudor Anglicus*, de quo Sanderus Anglicus scriptor, inquit, illis tem- poribus, præter frequentissimos tam animalium quam mulierum partus prodigiosos, contagiosam quandam luem, universam Angliam pervasisse. & paucorum dierum spatio infinitam fere hominum multitudinem prostravisse: Tamesin etiam fluvium, quo Londonum alluitur, ad decimum sextum Calendas Ianuarias, in- tra novem horas ter fluxisse & refluxisse, quod alias singularum sextenarum horarum periodo semel contingere solet, sed pergamus Angliam contem- plari.

Jam quinquennium Eduardus Regnum tenuerat, imaginaria potestate, plurimaque sub ipsius nomine indigne designabantur nam. Anno M.D.LI. miserandum in modum plebs oppresa est, ademta illi pecunia quarta parte & quadragesimo postea die alia quarta parte omnes & singuli per universam Angliam spoliati erant. Cui exactioni in privatorum bonis factæ, aliam adjunxerunt, in bonis Ecclesiasticis. Emissi enim per universum regnum quarto, Ecclesiæ omnibus ornamenti suis spoliarunt, Regi eis opus esse prætextentes, relicisque in qua- que Ecclesia, unico calice, unica ueste sacerdotali, & una campana, reliqua omnia abstulerunt. An non ha vere Locusta erant Apocalypticæ?

III. Diximus superius de Eduardi Seimeri Pro- tectoris (qui fratrem suum supplicio afficerat,

ipse

ipse eodem mox afficiendus) cum Joanne Dudlæo Comite Varvicensi simultatibus. Ad eas jam est redeundum, ut videatur, quantum earum causa sit effusum in Anglia sanguinis: quo tantum absit ut turbæ illa extinctæ sint, ut etiam multo magis fuerint incensæ. Dudlæus, quum Protectorem, Anglis omnibus formidabilem, in carcерem conjectaret, ex ea re magni animi existimationem acquisivit, quamvis durius haberetur ipsius quam Protectoris imperium. Præter magnifica promissa, quibus Catholicos suos faciebat (quamvis postea eos destituerit) Russellum, dum Protector in carcere tenebatur, primò Comitem Villtonensem, postea Marchionem Vincestriensem creari curavit; & Pauletum Comitem Bedfordensem; Harbertum vero, Comitem Pembruchiæ; Marchionem Dorcestriensem; Ducem Suffolciæ: ipse autem pro se Ducatum Northumbriæ obtinuit Atque ita iisdem artibus, quibus Eduardus Seimerus ad summam dignitatem pervenerat, quamque diu nimis usurpaverat, Dudlæus eundem dejectit: cui universa hæc molimina & promotiones nulli quidem damno at insigni emolumento fuerunt. Nam & auctoritatem per eas est adeptus, & potentiam non parum Protectoris periculo & damno firmavit: haud immemor Philosophiae, quæ docet unius generatione alterius esse corruptionem. Accusaturs Seimerus, quarto à captivitate sua mense, quod Dudlæi cubiculum occulto thorace munitus intrasset, eo animo ut ipsum occideret: quo crimen intentato, una cum uxore & amicorum fidissimis, in custodiā traditus, atque à carcere eductus xxiii. Januarii securi publice percutitur an. 1552. Paullo post Rudolphus Vanus, Milo Partrigius Michael Stanhopius, & Thomas Arundelius, Equites omnes aurati, ut consiliorum Seimeri participes, eadem poena plectuntur. His ita gestis opinione sua fortunatus, Dudlæus majora animo concipere cœpit, non ignarus, Fortunam audacibus saepe præsto esse, ignorans vero repellere. Sed sive sua longe frustratus, & in medio cursu à fortuna destitutus, quod alteri paulo ante eripuerat, ipse quoque amisit. Erant in eo vero omnes ipsius cogitationes occupatae quomodo regnum in suam familiam transferre posset: quod quidem per matrimonia facile consequiturum se sperabat. Res igitur in hunc modum adornata est. Erant ex genere Henrici VII. filia Maria Juniore, Carolo Brandonio Duci Suffolciæ nupta, nata Francisca quæ nupta Henrico Graio Marchioni Dorcestria produxerat filias binas aptas matrimonio, pro-

neptes Henrici VIII. ex sua, ut dictum est sorore Juniore Maria. Et quoniam Eduardus Seimerus protegis titulo ad se rapto, corruptoque Testamento Henrici VIII. excluserat Margaretam Seniorem Henrici VIII. sororem nuptam pridem Jacobo IV. Scotorum Regi, ab Hæreditate Regni Anglicani idcirco si Henrici VIII. Stirps extingueretur, indubie videbantur proximæ fore istæ pronepotes ex sorore Maria descendentes, quoniam etiam Joannes Dudlæus jam Eduardum Seimerum supplantaverat, acatholicus acatholicum. Hinc proxima spes transferendi regale Anglorum sceptrum in suam familiam Dudlæo assulit. Quid sit? Ineunt Consilium Suffolcius Henricus Graius & Northumbrius Dudlæus de maritandis pronepribus antedictis & per eas aperienda Januæ ad regnum. Dictum, factum Gulfridus seu Guilfordus Filius Joannis Dudlæi Northumbriæ Ducus dicit Joannem Graiam proneprem Henrici VIII. menœ maij. Anni 1552. alii alteras Atque ita Dudlæo via ad regnum aperta fuit. Hac apertâ, initus porro consilium perfidum de tollendis Henr. i. VIII. liberis, patri in regno successuris, actandum de regno inter se dividendo. Celebratae sunt nuptiæ trium pronepium Henrici VIII. uno die Londini in Palatio Duramenti, ubi tunc Dudlæus Northumbriæ Dux morabatur, nempe Joannæ Græ cum Guilfordo Dudlæo primogenito Northumbriæ, Catharinæ Graiæ cum Pembruchiæ Comite, & Mariæ cum Huntingtoniæ comite, & dénum idem Northumbrius Dudlæus Eduardum Regem, quo citius consilium regni occupandi consilium exequeretur, Eduardum VI. veneno inficit, & Londonio recedit. [a] Hæc dum ita geruntur ineunte Maio Noallius à Christianissimo rege in Angliam missus, Londonum appulit, ut Oratoris ibi munere fungeretur, Boisdauphino à rege domū revocato. Post octiduum uterque regem morbo corruptum, salutandi & officii gratia adeunt. Ibi Noallius expositis adventus sui causis & dolorem suum de regis morbo testatus, in mandatis habere se dixit, ut apud regem commoraretur, daretque operam ut amicitia inter utrumque sartaque conservaretur. Quamvis autem Eduardus vehementer admodum ægrotaret, exhibitum ramen legationis diploma ipse legit, Boisdauphimum vero abaco argenteis vasis instructo donatū, honorifice dimisit; sinceram erga regem benevolentiam

[a] Henninges acatholicus parte 4. General. in Anglia Stemmatibus.

128  
lentiam omniaque inviolabilis amicitiae officia  
Noallio pollicitus, & Dudlaus Eduar.

Initio Quintilis Dudlaus Northumbriæ Dux,  
Gallicarum partium suimet commodi gratia per-  
studosus, magno comitante Nobilium globo  
Grenuico Londinum venit ad Noallium, tum in  
suburbio Australi diversantem. Cum eo aliquam-  
diu colloquutus, postquam intellexit Noallium  
eum ob caussam, ut sparsum fuit, præcipue mis-  
sum, ut impediret, ne, si quid Eduardo humani ac-  
cideret, Maria in reginam eligeretur, quod Imper-  
ator Carolo addiccatam factiōnem omnibus mo-  
dis moliri palam erat, omnem in eo operam pro-  
misit, ac de pleraque aulica Nobilitate idem spe-  
rare jussit, nis quidem verbis, ut ingens hominis  
ambitio facile appareret. Quumque minus salu-  
bito loco Legatum diversari animadvertisset, di-  
versiori longe commodioris usum ei obrulit. Non  
multo post ejusdem Ducis instinctu Senatus habe-  
tur: ad quem introductus Noallius, sive sua sponte,  
sive a Dudlao inductus, inter cetera à rege Chri-  
stianissimo mandatum sibi esse dixit, ut exponeret,  
compertum ipsi esse, quomodo Imperator Legationem,  
cujus principes essent, domini de Courrieres, de Tholose,  
& Vicarius Aumontius, in Angliam decreverit, sub  
prætextu quidem regem è morbo decubentem, officii  
gratia visitandi, revera autem regnum pro Ma-  
ria ambienti. Ad hæc, prius habita deliberatione,  
quum idem ex aliis quoque locis jamdiu esset nun-  
ciatum, aut nunciatum diceretur, regii Consilii  
nomine à Northumbrio responsum fuit: qui pri-  
mum protam insigni benevolentia & fraterno amore  
erga regem ac regnum gratiis actus, de ipso ac regno uni-  
verso, eadem regem Christianissimum sperare jussit.  
Ad Legatos vero qui ab Imperatore venturi diceban-  
tur, quod attinet, excludi eos nequam posse: at si  
quid aliud sub ejus Legationis prætextu machinari  
conentur, jam provisum sibi esse ne quid effectum da-  
re possint.

IV. Tandem mortuus est Grenovici Eduardus  
6. Julii Anno 1553. ætatis sua anno decimo septi-  
mo, regni vero septimo, eodem mensis die quo  
pater ejus Thomam Morum capite ferendum  
ante aliquot annos curaverat: Deo iustitiam suam  
restatam faciētem, peccata patrum in filiis puniri.  
Eodem pertinet, & ad eandem iustitiam referri  
debet, quod nullus plane ex Henrici liberis  
(quos ille ut multiplicaret ac posteritati perpe-  
tuaret, toties matrimonia mutare se fingebat)  
sobolem ullam ex se reliquerit (licet omnes ju-

venta florarent) sed steriles transferint, sine  
prole aut germine, ne patris tam impii propa-  
go ulla radices ageret, aut bonis Ecclesiæ per-  
summum scelus ablatis frueretur. Eduardus ma-  
riens testamentum fecit, in quo inter alia co-  
rona hæredem instituit Janam Graiam, Suffol-  
ciensis Ducis filiam, Dudlæ Northumbriæ Co-  
mitis filio nuper nuptam; exclusis Maria & Eli-  
sabeta sororibus, ut quæ Henrico adhuc re-  
gnante, publice Curia decreto illegitimæ ac  
regni incapaces essent pronunciata. Quis vero du-  
bitasset, quin Northumbrius tantis opibus in-  
structus, ac Principis favore subnixus, & ad im-  
perium evectus, factiosus insuper, vigilans, au-  
dax, mulierculis illis, in rebus Mundi parum ver-  
fatis, nullo negotio regnum fuerit crepturus?  
Sed enim Deus Optimus Maximus, ut omnes in-  
telligerent à se uno regna dari ac transferri, con-  
tra omnium mortalium judicia, Northumbriam  
ambitionem ita repressit, ut pro regio throno, in sup-  
plici locum productus, caput suum publicæ quieti  
consecrarit.

V. Altero die post regis Eduardi mortem, cir-  
ca vesperam, Dudlaus Northumbriæ Dux Clin-  
tonum rei maritimæ prefectum, & Jacobum  
Scroppium, unā cū Nobilium globo ac novo pre-  
sidio in arcem Londinensem mitit, ac preci-  
puam fere Nobilitatem in yerba Joannæ, Suffol-  
ciensis Ducis filiæ, jurare cogit. Paucos post dies  
eadem Joanna publico edicto, Anglia, Francia &  
Hiberniæ regina proclamatur: quam rem populus  
inuitato silentio indigne se ferre demonstravit,  
quorum unus, cui Gilberto Porto nomen, nefio  
quid obloqui ausus, ignominiosa pœna, defectis  
auriculis, castigatus fuit; aliis in carcere conjecti  
sunt inter quos fuit Franciscus Inglefildus, Eques  
auratus. Sequenti Dominica nova regina per Ta-  
mesin fluvium regali pompa in arcem in vecta fuit,  
multo tormentorum fragore excepta: eundem lo-  
cum non multo post & vita & felicitatis sepulch-  
rum nacta. Postridie ejus nomine Edictum publica-  
tur: quod hic inferendum putavi, ut sciatur, quæ  
Angliæ reginis de illegitimis natalibus ab ipsi  
etiam Anglis objecta sunt, quibus fundamentis ni-  
tantur.

Ioanna, Dei gratia, Anglia, Francia & Hiberniæ  
regina, Fidei in terris defensatrix, supremum Angli-  
cane & Hibernica Ecclesia sub Christo caput, omnibus  
& singulis nostris bene amatis & fidelibus subditis, Sa-  
larem.

Quando.

Quandoquidem Eduardus VI cognatus noster charifsumus (cujus anime Deus sit propitius) patentibus litteris, anno regni ipsius V. die XXI. Quintilis, in praesentia & cum consensu praecipuorum Consiliariorum, Iudicium, & aliorum gravium & prudentissimorum virorum, (quod id ad regni emolumenntum & securitatem facere visideretur) scriptis, regis ipsius manu subscriptis, & magno sigillo confirmatis declaravit, vi Actus cuiusdam & diplomatis ab Henrico VIII progenitore nostro & magno patrui felicis memorie ita constitutis atque ordinatis esse, ut Eduardus filio sine hereditibus defuncto, Regni hujus coronam & imperium ad Mariam natam maiorem filiam; hac vero itidem sine liberis decadente, ad secundam filiam Elisabetham ejusque legitimos heredes, iis conditionibus quae a dicto rege Henrico ad limitandam successionem tum fuerunt apposita, devolveretur: at vero postea prædicta Maria & Elisabetha illegitima declaratae sunt, ut post illa quidem è Catharina Austria, hæc Anna Bolena progenitæ, quarum utriusque cum Henrico rege matrimonium, & secundum divinum Verbum & Ecclesiasticas leges, interposito divorcio, invalidum & nullum declaratum, & utrumque illud divorzium Parlamenti auctoritate, specialiter vero XXI. anno regni ejusdem Henrici approbatum & confirmatum fuit, ac postea ratum & firmum mansit: Eamque ob causam prædictam Maria & Elisabetha manifeste jure ad talam hereditatem aedundam, & hujus regni coronam, imperium, honores, dominia, &c. accipienda inhabiles sint & incapaces, &c.

Cætera quæ sequuntur nimis prolixa omitto; illa posuisse contentus, ex quibus quum appareat, Mariam Catharinæ filiam nullam aliam ob causam quam ob divorzium regni hereditate fuisse exclusum; divorzium vero illud omnium restis sentientium calculo & Martyrum Sanguinis illegitimum sit, & ipso jure nullum: luce sane clarius constat, Henrici cum Anna Bolena nuptias omnibus divinis & humanis legibus contrarias fuisse. Quumque Maria, ut postea videbimus, tamquam legitimo matrimonio prognata in reginam electa fuerit, facile intelligi potest quo jure post illam Elisabetha regnum usurparit. Duleus certe, ut eas excluderet sic ut dictum est, omnia movit lapidem ut in suam familiam regiam potestatem transportaret, usus inter alia Prædicantium sive Ministrorum opera, qui e suggestu ad populum tam Marie quam Elisabethæ causam palam impugnabant, Joanne vero defendebant, ejusque virtutes, ac præcipue sumimum religionis studium misericordie commendabant. Quin etiam à regni optimatibus fidem juregurando sanctitatem, & syngraphas

Joannam reginam agnoscientium & obedientiam eiuspendentium Duleus idem exegit. Cui quæso tunc non visa fuisset deplorata Mariæ causa? utpote adversarium eum habentis, in cuius manu titulus, dignitas, atque adeo totius regni opes erant, cuius partes proceres potentissimi sequebantur, cui etiam Galliarum Rex Henricus, quem Duleus tradita Bolonia sibi demeruerat, impense favebat & cui prædicantium greges prophetando ad plebem subserviebant! In Carolo Imperatore parum spei erat, multorum armis circumfesso, & immensa negotiorum mole oppresso, ut licet maxime vellet, auxilium tamen mittere non posset. Iam enim Henricus Galliarum rex Protectorem se Germanicæ libertatis, & Protestantium Principum captivorum vindicem scriperat, ictoque cum Mauricio Saxone & Marchione Brandenburgico federe Carolo Imperatori bellum moverat molestissimum ac periculosissimum, quo tres amplissimæ civitates & Episcopatus, Tullensis, Virdunensis & Merensis ab Imperio avulsæ sunt. Quin enim Oenipontano oppido, in quo Carolus eodem adhuc die fuerat, à Mauricio subito occupato, parum absfuit quin ipse Cæsar in Confederatorum potestate fuerit redactus. Quibus difficultatibus circumventus Cæsar, eorum quæ in Anglia gererentur curam habere non potuit. Maria nihilominus per Secretarium quendam & amicos de morte Regis simul & de Northumbrii qui nonnullos jam ad eam in potestatem suam redigendam miserat, consilio certior facta, noctu consenso equo summa celeritate ad Norfolciæ Ducem Thomam III. Hauvardum se recepit. Erant vero tum Londini adhuc Cæsarei oratores, quorum persuasionibus & multorum procerum ultro accurrentium, qmum Darbiensis, Hastings, Sussexiæ Comitum, & aliorum studio effectum est, ut Maria regina fuerit proclamata. Anno 1553. 19 Julii. Mox ex omnibus undique partibus tantus ad illam factus est concursus, ut paucorum dierum spacio ad quindecim hominum millia circa se haberet. Ex optimatibus etiam plerique ad eam confluabant, ejusque sequentibus auspicia, his tamen conditionibus, ne Principi extero sive alienigenæ nuberet, nec quidquam in religione tum usitata mutaret quas illa accéperit, ut quæ fortunam suam efflorescentem modis omnibus adjuvandam existimaret.

VI. Cum hoc comitatu, vel exercitu potius Maria recta Londonum petat. Quum vero tumultu

R

multu per oppida & agros passim crescente, & multitudine ad Mariam deficiente, allatum esset, **Ioannes Dudley Northumbriæ Dux conscripto exercitu, & Henrico Grajo Duce Suffolciensi Londini ad res administrandas relicto, turbis obviam ire statuit: sed à militibus desertus, & in triumphum veluti à Maria ductus grato spectaculo eorum quos flagitiis suis multipliciter ante offenderat, oculos & animos pavit, tamquam proditor & lœsa maiestatis reus condemnatus & capitius supplicio demum xi. Cal. Septemb. affectus.** Etsi vero Gallicus Orator Ioannæ reginæ caussam quantum poterat, agebat, habita ad xix. Augusti diem coram regni Senatu eam in rem oratione: parum tamen admòdum promovebat, præter spem & promissa nihil reportans, Nobilitate ac populo indies tanto numero ad Mariam confluente, ut minus quam decem dierum spacio triginta armatorum millia secum habuerit nihilominus vero tanta esset rerum ad victimum necessariarum abundantia, ut cerevisæ cadus uno Regali Hispanico, quatuor vero magni panes sexta Regalis parte vñerint.

Consiliarii & Optimates qui Londini manserant, animadvententes magnam Nobilitatis partem Mariæ partibus se adjunxisse, tam Ioannam Grajam quam paullo ante Reginam proclamaverant, quam Henricum Grajum qui ducta Francifica nepte Henrici VIII. Regis Suffolcia Dux erat creatus, & Ioannam procrearat, [a] custodia includunt, Mariam vero honori & regno restituunt, & reginam conclamant. Ioannes vero Dudley Northumbrius his acceptis, se ab omnibus desertum videns, & ipse solita acclamatione publicam lætitiam testatus est, Mariamque reginam Cantabrigiæ salutari justis, decimo postquam Ioannam reginam Londini proclamaverat die sed ut dictum est in triumphum ductus xi. Cal. Septemb. Londini supplicio affectus, de quo iterum cap. sequenti accuratius diceretur. Quis hic insperata hanc mutationem, & victoriā solius Dei auxiliā paucis diebus sine p̄cilio partam, non summopere admiretur?

MARIA REGNUM INIT. DVDLÆVM VNA cum filio & Ioanna regina capitii supplicio affici. jubet Catholicam religionem restituit. Marrimonium cum Philippo Hispaniarum Principe tractat.

Thomas Cramerus igni crematur.

#### CAPUT OCTAVUM.

#### ARGUMENTVM

- I. Maria regina, arcem Londinensem ingressa, superbū illum à predecessoribus usurpatum titulum, Supremi Anglicane Ecclesiæ capitii, abdicat.
- II. Dudley una cum quatuor liberis ad mortem damnatus, ad Catholicam religionem se convertit.
- III. Catholicæ religio in Anglia restituitur. De Curia seu Parlamento Anglicano.
- IV. Conditiones matrimonii inter Mariam Anglie reginam & Philippum Hispaniarum Principem.
- V. Maria regina contra Viatum & alios rebeller exercitum mittit, & captiis supplicio afficit. Joannam Suffolcia ejusque mariti funesta mors.
- VI. Cramerus precipitus schismatis & divertii inter Henricum & Catharinam auctor, una cum Ridleto & Latimer Episcopis vivus comburitur: aliisque supra centum hereticī supplicio afficiuntur.

**V**T olim eis, qui durante adhuc Mosaica legge, ad sanctam illam Hierosolymorum civitatem, quam Deus sibi præ omnibus tamquam sedem elegerat, sese conferebant, & ut verum Deum adorarent, magnificentum illud à Salomone exstutum, & ab ipso Deo consecratum templum ingrediebantur, initio quocumque oculos verteret, nihil aliud occurrebat quam victimarum sanguinis, cultri, ignis, holocausta, & victimarii, longius vero ad Sancta sanctorum usque progressos suavissimus balsami & incensi thuris odor reficiebat atque oblectabat: sic ego religiosam sacrofaniæ Veritatis ædem ingressus, ut hujus Historiæ filium inde deducerem, initio nihil aliud deprehendi quam pröditiones, cædes, lanienas, & multiplices miseras; at ulterius nunc gressum nobis proferentibus, longe pulchrior rerum species sese offeret, ac regni multo tranquillioris ac lætioris quod cum Henrici VIII. & Eduardi VI. imperio haec tenus à nobis descripto comparatum, velut Sancta sanctorum Anglicani hujus templi dici merito potest. Hic enim templorum superiori tempore eversorum instauratas parietinas, alcaria tursum erecta, Crucis tropæa unde profligata erant reposita, sacra templis, templa sacris, tori denique Ecclesia pristinum nitorem restitutum videbis.

*Illa quis lemuit scissum studia in contraria regnum, Hæresibus variisque infectum, haud segnus invicit; Diffidat exsiliavit regalis frontis horre Omnia, & exempla plerosque ad liminæ sanctæ*

Mariæ

[a] Henninges Geneal. parte 4 pag. 121.